

DE
CLAVSVLA CODICILLARI
SVBINTELLECTA
OPVSCVLVM

AVCTORE

CAROLO AVGVSTO TITTEL

IVR. DOCTOR. IN ACAD. IENENS. IBIQVE SOC.
LAT. COLLEGA HONOR.



I E N A E
SVMTIBVS VIDVAE B. MELCHIORIS,
ANNO MDCCC LVIII.

8
f

de
po
ta

pr

s.
re.
s.
s.

s.



CONSPECTVS OPVSCVLI.

Postquam in §. I. de utilitate huius argumenti generaliter dictum et de occasione de eo scribendi,

deinde §. II. etymologia verborum exposita simulque definitio clausulae codicillaris formata,

porro in §. III. IIII. variae illam exprimendi formulae monstratae, tandem quod tacite quoque adiici possit testamento, incidenter in §. V. monitum est:

progređimur in §. VI. ad effectus istius clausulae ex principio deriuandos, quod in eodem Spbo praestruitur, et in

§. VII. ostenditur clausulae vis ratione praeteritionis,

remotis in §. VIII. dissentientium obiectionibus: item

§. VIII. vis ratione exheredationis:

§. X. ratione deficientis heredis, remotis in §. XI. iterum aliorum telis:

§. XII. ratione diei heredis institutioni adiectae:

A

§. XIII.

- §. XIII. *ratione formae externae in testamento deficientis*
 §. XIII. XV. *ratione postumi:*
 §. XVI. *ratione fratrum praeteritorum:*
 §. XVII. *ratione rogationis testium omiffae: et denique*
 §. XVIII. *ratione oueris iniusti, legitimae adiecti. Sequuntur ii effectus, qui clausulae codicillari denegandi sunt, iidem ex axioma generali demonstrandi, quod in*
 §. XVIII. *formatur, et ex quo*
 §. XX. *inferitur, cessare vim codicillaris clausulae, si testator fuit inhabilis:*
 §. XXI. XXII. *si heres incapax est:*
 §. XXIII. *si ne quidem quinque testes in testamento adhibiti:*
 §. XXIII. *si testes sunt inidonei:*
 §. XXV. *si testamentum ratione voluntatis est imperfectum:*
 §. XXVI. *si continuitas actus vel subscriptio deest:*
 §. XXVII. XXVIII. *si heres scriptus vult variare. Saluantur etiam*
 §. XXVIII. *positiui effectus clausulae nostrae ab apparente auctoris cuiusdam dispensatione. Tandem*
 §. XXX. *ad primum libelli nostri thema peruenimus et recensemus* ICtos, *nobis circa illud contrarios, formato*
 §. XXXI. *statu controversiae et*
 §. XXXII, XXXIII. XXXIII. XXXV. *demonstrata tacita clausula codicillari. Quo facto transitus fit*

§. XXXVI.

- §. XXXVI. *ad praesumptam clausulam codicillarem, ad quam probandam ibi et*
- §. XXXVII. *principia ex legibus ponuntur, et ex iis*
- §. XXXVIII. *praesumi clausulam codicillarem, probatur; quae praesumptio*
- §. XXXVIII. *nova ratione ulterius corroboratur, sed*
- §. XXXX. *limitatur, praemissis*
- §. XXXXI. XXXXII. *quibusdam, ad refellendos primarii nostri argumenti aggressores necessariis, ex quibus*
- §. XXXXIII. *demonstratur, leges quasdam Pandectarum, quibus aduersarii se munire student, usu non amplius obtinere. Denique*
- §. XXXXIII. XXXXV. *respondetur ad specialem legem aduersariorum ex Digestis petitam,*
- §. XXXXVI. *ad aliam eiusdem libri,*
- §. XXXXVII. *iterum ad aliam ex eodem Digestorum opere adductam, quam*
- §. XXXXVIII. XXXXVIII. L. LI. *sequuntur leges Codicis,*
- §. LII. *opinio distinguendum circa argumentum nostrum et*
- §. LIII. *quaestio finalis cum obseruatione*
- §. LIII. *de clausula codicillari pactis addita, quam*
- §. LV. *excipit epilogus.*



Q. D. B. V.

§. I.



In quaestionibus, quae in foro mō-
ueri saepe solent, est etiam haec:
*utrum clausula codicillaris testa-
mento expresse sit adiicienda, an ve-
ro in quouis testamento tacite subintelligenda sit?*
Cum enim dicta clausula insignes habeat ef-
fectus, et testamentum sustineat, quod in se sub-
sistere nequit: facile intelligi potest, eum, cui
tale testamentum aliquid confert, in codicillari
clausula refugium quaerere, eamque testamento
tacite

tacite inesse defendere. Quod vtrum iuri conueniat, an non, nondum satis ab aliis expositum esse arbitramur, ideoque paucis pro instituti nostri ratione in id inquirere volumus, maxime cum ab amico quodam, qui in perorandis partium causis in foro Meiningae occupatus est, ea de re consulti fuerimus.

§. II.

Sed cum moris sit ab explicatione et euolutione nominis ordiri tractationem, praemitemus verborum enodationem, et vnde clausula codicillaris nomen habeat, paucis ostendamus. Sortitur illa, *qua clausula*, nomen suum procul dubio a claudendo, quia in fine testamenti poni solet, et sic quasi claudit illud. Sed *qua codicillaris*, deriuatur a codice eiusque diminutium constituit. Codex denotat librum, et ita dicitur a caudice, qui significat truncum vel stirpem arboris, quia veterum libri inscripti erant tabulis, ex trunco arboris confectis et cera obductis, quae apte contextae

erant *). Quamobrem codicillus secundum etymologiam nihil aliud est, quam parvus libellus, qualis etiam esse potest epistola, postea vero pro speciali quadam dispositione in casum mortis facta seu pro ultimae voluntatis specie capiebatur. Hoc sensu codicillus est *ultima voluntas minus sollemnis, heredis institutionem directam respiciens*. Vt vero constet de usu quaestionis memoratae (§. pr.), necesse est ostendere effecta clausulae nostrae, ab aliis nostro ordine non exposita, nec, uti a nobis fiet, ex principiis deducta. Iudicari de iis optime potest ex ipsa natura et indole eius, praemittenda itaque videtur ante omnia eius natura atque essentia. Est autem clausula codicillaris **) *declaratio testatoris, ut testamentum valeat tanquam codicillus, si non ut testamentum valere potest*. Ex quo intelligi potest, quare tale testamentum, cui addita est haec clausula, dicatur codicillus subsidiarius ***). Ratio nimirum haec est, quod vi huius clausulae testamentum in subsidium valeat tanquam codicillus.

*) ZEPFER.

*) ZEPFER. *de codicillis* C. I. n. I. seqq.

**) quae iam THEODOSII IVN. tempore, imo ante in usu erat L. VII. C. THEOD. *de testam. et codicill.* ibi: *ut si testator, faciens testamentum, in eodem ID PRO CODICILLIS ETIAM VALERE COMPLEXVS EST* add. IAC. GOTHOFRED. ad L. cit.

***) GEORG. ADAM. STRVV. *exerc.* XXXIII. th. 60. 10.
HENR. A BERGER *occ. iur.* L. II. Tit. III. §. 36.

§. III.

Cum clausula codicillaris sit declaratio (§. ant.), et omnis declaratio non vno signo fieri possit, consequens est, ut clausula codicillaris vario modo adponi possit testamento. Ex quo porro fluit, non esse necesse, ut haec vel illa usitata formula ad eam exprimendam adhibeatur, sed quaecunque verba sufficere, quae mentem testatoris de codicillis subsidiariis condendis produnt *). Qua propter non opus est, ut testator dicat: *volo, ut testamentum meum valeat tanquam codicillus, nisi ut testamentum possit subsistere*, sed eundem effectum habebunt haec verba: *addo testamento meo clausulam codicillarem*, quemadmodum

modum in mandato addimus: *idque sub libera*. Similiter etiam verba: *volo, ut testamentum meum sit codicillus subsidiarius*, clausulam inuoluunt codicillarem. De clausula *caeterata*, quam vocant DD., dubitant nonnulli, an loco codicillaris sufficiat, e. g. si in testamento dicitur: *si testamentum meum non valebit, ut testamentum volo etc.* Sed cum hac ratione de animo testatoris adiiciendi clausulam codicillarem satis constet, compendium scribendi, quo usus est, vim eius interuere nequit **).

*) IAC. MENOCH. L. III. praef. XXXI. n. 13. 14.
FRANC. MANTICA de coniect. ult. vol. Lib. I.
Tit. VIII. n. 6. ANT. THES. qu. CXXI. n. 8.

**) FAB. TURRET. de effect. claus. cod. qu. XVI. n. 20.
SAM. STRYCK. diss. de claus. cod. n. 71. seqq.

§. III.

Plerumque clausula codicillaris latine ita solet proferri: *si mea haec ultima voluntas non valet, neque de iure ob defectum aliquem ut testamentum valere potest, valeat tamen, ut testamentum nuncupatiuum, codicillus, vel donatio mortis*

*mortis causa, vel in vim fidei commissi et omni meliori modo, quo de iure valere et effectum sortiri poterit. Et perinde est, siue verba in praesenti, siue in futuro ponantur e. g. si non valet ut testamentum, vel si non valebit ut testamentum, valeat ut codicillus *)* Germanico vero stylo vsitatioe ita exprimi solet: Und woserne diese meine Testaments-Ordnung und Geschäft einer Ursache wegen oder Mangel halber von Rechtswegen nicht als ein zierlicher letzter Wille gelten oder kräftig seyn sollte, so soll es doch als ein Testament nuncupatium, Codicill, Fideicommiss oder Donatio mortis causa, oder eine andere Disposition wie dieselbe zu Recht am kräftigsten und beständigsten geordnet und aufgerichtet werden kan, oder mag, gelten und kräftig seyn**). Sed multa in his verbis inepta esse credit SAM. STRYCKIUS ***), cum primo inutilis et incongrua sit adiectio: *valeat ut testamentum nuncupatium*, quia testamentum nuncupatium non valet sine sollemnitatibus. Ast re penitius in-

B

specta

specta patebit, dictam adiectionem non omni carere utilitate, sed hunc praestare usum, ut si testamentum a testibus forsan et testatore non sit subscriptum, ideoque non valere possit, ut scriptum testamentum, quippe quod subscriptionem requirit, ut tunc, inquam, tanquam nuncupatiuum valere debeat, si requisita testamenti nuncupatiui adsunt. In eo autem STRYCKIO ****) non possumus non assentiri, quod haec adiectio: *valeat ut fideicommissum* sit otiosa, cum iam inuoluantur verbo codicilli, quippe qui mutat heredis institutionem in fideicommissum (§. VI. *) Sed praeter inutilia illa, quae STRYCKIUS observat, haec etiam verba: *valeat ut donatio mortis causa* sunt inepta, quandoquidem ad omnem donationem requiritur acceptatio donatarii, ****) quae in testamento deficit.

*) GE. AD. STRUV Exerc. XXXIII. th. 63.

**) CHRISTOPH. PHIL. RICHTER dec. LXIII. n. 2. 3.

***) Diff. de claus. cod. n. 13.

****) l. c.

*****) L. LV. ff. de obl. et act. L. XXXVIII. ff. de m. c. donat.

§. V.

Et cum factis a verbis distinctis etiam fieri possit declaratio: eodem modo clausula codicillaris, quippe quae est declaratio, potest addi testamento, quo ipso tacite additur, vti infra exponemus.

§. VI.

Sed ut iam propius accedamus ad effectus clausulae nostrae, ponemus primo principium aliquod, ex ipsa eius natura deductum, ex quo ii omnes pronò fluunt alueo. Principium hoc est: *Clausula codicillaris sustinet testamentum, quoties illud requisita codicillaria habet et sanat omnes defectus testamenti, modo illa, quae ad codicillum validum necessaria, illi insint.* Veritas huius regulae facile elucescit. Cum enim vi huius clausulae ex testamento fiat codicillus, hic vero valeat positus suis requisitis, valebit etiam testamentum vi clausulae codicillaris extantibus requisitis codicillaribus *).

*) Cum vero in testamento occurrat directa heredis institutio, quae in codicillis fieri nequit L. II. §. 4. ff.

de iur. cod. necesse est, ut haec vertatur in fideicommissum, si testamentum valet ut codicillus, ita ut heredes ab intestato rogati censeantur a testatore, restituere hereditatem scripto heredi. G. O. A. D. STRVV. Exerc. cit. th. 61. SAM. STRYCK *cautel. test.* c. XXIII. §. 37.

§. VII.

Habet itaque primo tunc effectum, ut testamentum subsistat, si in eo praeteriti sunt liberi, parentes, vel fratres praelata turpi persona *). Hoc enim licet factum sit, tamen testamentum gaudet codicilli substantialibus atque formalibus, et si hoc est, testamentum semper sustinet in vim codicilli. (§. ant.) — Quanquam autem in hoc casu valeat testamentum, tamen praeteriti non plane excidunt omni hereditate, sed deducunt legitimam et praeterea Trebellianicam ex hereditate **), reliqua bona hereditaria restituentes instituto heredi; id quod ex eo concipi potest, quod heredis institutio valet tanquam fideicommissum (§. ant. *).

*) IO. HENR. A BERGER *oec. iur.* L. II. Tit. III. §. 36.
not. I. SAM. STRYCK. *de S. A. I.* diff. I. c. I. n. 22.
IO. BRVNNEMANN. ad L. I. ff. *de iur. cod.* n. 6.

**) C. XVI.

**) C. XVI. XVIII. X. de testam. GEO. AD. STAVV. iurisprud. Lib. II. Tit. XXVI. §. 8. Equidem in his legibus id quod asserimus, non expressis continetur verbis, sed tamen implicite. Nam dicitur ibi, liberos fideicommisso vniuersali grauatos, deducere legitimam et Trebellianicam. Quapropter cum liberi tali fideicommisso etiam tunc onerati intelligantur, si in testamento, cui addita est clausula codicillaris sunt praeteriti, vt nimirum heredi instituto restituant hereditatem: sequitur, vt etiam hoc in casu idem ius habeant. Et quanquam memoratae leges tantum de fideicommisso conditionato loquantur, intelligi tamen quoque possunt de puro, cum ratio eorum sit generalis, quae ad purum etiam quadrat AVG. A LEYSE medis. ad ff. spec. CCCC. med. I. Similiter extendi posse videntur ad parentes et fratres, quanquam verba tantum ad liberos pertineant.

§. VIII.

Sed non omnes nobiscum sentiunt. Sunt enim, qui ob praeteritionem testamentum ita nullum esse credunt, vt ne per clausulam quidem codicillarem valor codicilli ipsi conciliari possit *), quia testamentum, praeteritis liberis conditum, a demente factum videtur Romanis **). Sed cum hic fingatur dementia, ea non potest sine lege extendi ad casum, quo

clausula codicillaris adhibita, sed per eam exspirare intelligitur fictus furor, quia per clausulam dictam praeteritio tollitur et praeteritus rogatus censetur detrahare legitimam (§. ant.)***). Quare ipsa praxis sententiam nostram confirmat ****).

*) BEN. CARPZ. P. III. C. IX. def. 12. 10. GOTTLIEB HEINECCIUS *elem. iur. civ.* §. 686. 10. BRUNNEMANN. ad L. XIII. ff. *de inoff. testam.*

**) L. XIII. ff. *de inoff. test.* L. XXXVI. ff. *de leg. 3.*

**) SAM. STRYCK *diff. de claus. cod.* §. 20.

****) quod fatetur ipse HEINECC. l. c. conf. SAM. STRYCK. *caut. test.* C. XXIII. §. 39. Quare ipse CARPZ. nostram sententiam vi veriore amplexus est Lib. VI. resp. 7. n. 7.

§. IX.

Quae de praeteritis diximus, ea ob rationis paritatem proferri possunt ad iniuste exheredatos *) et quae de natis, ad postumos **).

*) A. GAIL. L. II. Obf. CXIII. n. 3. BEN. CARPZ. l. c. SAM. STRYCK. *caut. test.* C. XXIII. §. 40.

**) A. GAIL. l. c. GEO. AD. STRYCK. *exerc. XXXIII. thes. 65.*

§. X.

§. X.

Porro ex principio, §. VI. posito, fluit, etiam
2) tunc codicillarem clausulam vim suam exe-
rere et testamentum firmare, si heres vnicus, in
eo institutus, non fiat heres *), vel si nullus in
eo heres sit nominatus, vtroque enim in casu
nihil deest, quod ad codicillum requiritur, siqui-
dem codicillus nullo indiget herede. Valebit
itaque testamentum iure fideicommissi, scilicet
hoc modo, vt heredes ab intestato rogati cen-
seantur praestare, quae testator praestari voluit.

*) §. 8. I. *de hered. ab int.* MEIER *colleg. Argentor. tit.*
de iur cod. th. XX. f. BEN. CARPZ. dec. CLV. n. 1.
10. IOACH SCHOEFFER *synops. iur. priu. tit. de iure*
cod. n. 16. Non tamen deficiente herede testa-
mentario clausula codicillaris id operatur, vt legata-
rii fiant heredes SAM. STRYCK *diff. de claus. cod.*
n. 109.

§. XI.

Quanquam vero haec sententia firmo su-
perstructa sit fundamento et ex ipsa notione
clausulae codicillaris deducta: quidam tamen
illam impugnant, statuentes, clausulam codicil-
larem

larem effectum nullum habere, si heres non institutus sit, vel institutus heres non fiat *). Sed leges ad quas prouocant, iis non patrocinantur **) ideoque ipse fori vsus iis repugnat ***).

*) IO. GOTTLIEB HEINECC. *elem. iur. ciu.* §. 686. n. 3.

**) scil. L. XIII. ff. *de vulg. et pup. subst.* et L. XXV. ff. *qui test. fac. poss.* prior enim nihil referre dicit, quo gradu quis liberis substituatur, posterior de testamento, quod vocant imperfecto loquitur, quando nimirum testator moritur, antequam omnes, quas in animo habebat dispositiones, declarauerit.

***) A. GAIL. Lib. II. Obf. CXXXIII. n. 3.

§. XII.

Non minus ex principio §. VI. praestructo fuit 3), testamentum sanari per clausulam codicillarem et in codicillum transire, si in eo heres directus ex die vel in diem sit nominatus *). Quamquam enim dies sit adiectus, tamen adfunt codicilli requisita. Nimirum leges nolunt, vt heredis institutio fiat ex die vel in diem **), propterea quod alias testator ad tempus haberet testamentarium heredem et ad tempus heredes ab intestato et sic moriretur pro parte testatus

tus et pro parte intestatus, quod ius Romanum improbat. Et si tamen dies additus, habetur pro non adiecto, vt heredis institutio valeat tanquam pura ***). Quodsi vero testamentum clausula codicillari munitum est, habebit adiectio diei suum effectum, siquidem haec clausula heredis institutionem directam in fideicommissum conuertit (§. VI. *), quod in diem et ex die relinqui valide potest. Hinc si ex die heres est institutus, rogati censentur heredes ab intestato, vt *veniente die* restituant hereditatem heredi scripto. Si in diem, vt *statim* eadem eam praestent, sed *veniente die* eam repetant ****).

*) SAM. STRYCK *caut. test. c. XXIII. §. 41.* IOA. HOPP. ad §. 9. I. de hered. inst.

**) §. 9. I. de hered. inst. L. LXXVII. ff. de reg. iur.

***) cit. §. 9. I. L. XXXIII. ff. de hered. instit.

****) IAC. MENOCH. *de praesumpt. L. III. praef. CLXXVII.*
D. 4. ZEPFER. *de codicill. c. III. n. 82.*

§. XIII.

Imo deduci potest ex principio, in §. praec. memorato, tunc quoque sustineri testamentum

C

tan-

tanquam codicillum vi clausulae nostrae, 4) si heredis institutio ob deficientem solemnitatem ipsi propriam est vitiosa v. g. ob verba minus apta adhibita, quae fideicommissum sapiunt, 5) si non sit adhibitus iustus testium numerus, sed tantum 5. Et cum de hoc postremo nullus dubitet Ictus, ei immorari diutius non est necesse. Hoc solum monebimus, interdum testamentum ut codicillum virtute clausulae dictae subsistere, quanquam duo vel nulli adhibiti sint testes. Tunc scil., si testamentum Principi aut magistratui insinuaturn, valebit ut codicillus sine omni teste, et si tempore pestis conditum, vel in castris a pagano coram 2. testibus, quia tempore pestis *) et in castris **) duo testes etiam ad testamentum sufficiunt.

*) IO. BALTH. A WERNH. P. III. Obs. CXVII.

**) CONST. MAXIMILIANI I. von Richten und Notarien
rubr. von Testamenten §. 2. BEN. CARPZ. P. III.
C. III. def. 26.

§. XIII.

Sequitur etiam 6) ex axioma, saepius excitato, clausulam codicillarem etiam tunc
vñs

usus esse haud exigui, si postumus, in testamento praeteritus, post testamentum conditum nascitur. Tum enim etiam subsistet testamentum, ut codicillus, vi clausulae codicillaris, cum requisita codicilli insint testamento, praeterito licet postumo *). Quapropter dictis sub circumstantiis postumus censetur rogatus, ut deducta legitima et Trebellianica restituat hereditatem instituto heredi, et legata praestet tanquam fideicommissa particularia (§. VI. *). Nam quae de nato praeterito dicta (§. VII.), non possunt non ad nasciturum proferri, cum idem utriusque sit fauor eademque utriusque ratio.

*) arg. L. XXIII. §. 1. ff. *si quis omissa caus. test.* L. I. §. 1. de codic. et arg. L. XXIII. §. 11. ff. de fid. libert. ubi Ictus VLPIANVS ex testamento, inquit quod agnatione postumae ruptum esse constituit, neque directas libertates competere, nec fideicommissarias deberi, SI QVAS NON A LEGITIMIS QVOQUE HEREDIBVS PATERFAMILIAS RELIQUERIT, satis constat, quae postrema verba nihil illud denotant quam hoc: nisi clausula codicillaris testamenta inserta sit, cum per hanc a legitimis heredibus aliquid relinquatur L. XXVIII. §. 1. ff. qui testament. fac. poss. (§. 6. *).

§. XV.

Supponitur tamen in §. praec. testatorem sciuisse, se habiturum esse postumum. Quod si enim ignorauerit, corrumpitur testamentum ob praeteritionem postumi, adiecta licet clausula codicillari, ut nec codicilli valorem habeat, quia testatoris voluntas de incogitatis non potest intelligi et ob urgentem praesumptionem pietatis et affectionis paternae erga liberos non censetur voluisse praeterire postumum, si sciisset, se talem habiturum *).

*) FAB. TURRET l. c. qu. LXIII. seq. IO. BRUNNEMANN. ad auct. ex causa C. de lib. praet. n. §. BEN. CARPZ. P. III. C. VIII. def. §. SAM. STRYCK diff. de claus. cod. n. 87. Nihilominus tamen ICI Wittebergenses referente IO. HENR. A BERGERO oec. iur. lib II. tit. III. §. 36. not. 1. respondere, quod testamentum clausula codicillari sustineatur, in quo postumus etiam ob ignorante patre est praetritus.

§. XVI.

Sed cum supra §. VII. ostensum fuerit, non impedire effectum clausulae codicillaris praeteritionem fratrum vel sororum, praelata turpi per-

persona factam: necesse est, ut refellamus ea in re dissentientes, inter quos est PAVLLVS DE CASTRO *), IO. PETR. SVRDVS **), CARD. TVSCHVS ***), SAM. STRYCKIVS ****) alii-
 que, qui in aequitate quadam sententiae suae fundamentum quaerunt, putantes, aequum esse, turpem personam plane excidere omni emolumento ob praeteritionem fratrum et sororum, ut ne quidem tanquam fideicommissum petere possit hereditatem, licet testamento insit clausula codicillaris. His merito obiicimus 1), quod lex admittat turpem personam ad hereditatem, quae ipsi testamento delata est, modo fratribus legitima sit assignata in testamento, quia tunc testamentum valet, ideoque etiam admittenda est tunc, si praeteriti sunt fratres et testamento addita est clausula codicillaris, tunc enim etiam fratribus confertur legitima, imo praeterea Trebellianica (§. VII.), ideoque in posteriori casu adhuc maior adest ratio, quam in priori. Deinde 2) sufficit, quod testamentum habeat requisita codicilli, etiamsi in eo fratres sint praeteriti
 prae-

praelata turpi persona. Hinc non omnes cum laudatis ICtis sentiunt †). Si vero ponas turpem illam personam esse plane *inhabilem*, nihil habeo quod monere possem ††), siquidem supra dictum est, inhabilitatis defectum non suppleri per claus. cod.

*) P. I. *consil.* CCLXVIII. n. 2.

**) *de alim.* tit. VII^o. priuil. XXXV. n. 3.

***) To. I. *pract. concl.* lit. C. concl. CCLXXXII. n. 154. seq.

****) *diff. de claus. cod.* n. 105.

†) Vti videre licet apud FAB. TURRET. *diff. tract.* vbi multos dissentientes nominat.

††) et ad hunc casum ~~STRVCKII et aliorum~~ modo expostitam sententiam recte restringit GEO. AD. STRVV. *Exerc. XXXVIII.* thes. LXV. inf.

§. XVII.

Imò tunc quoque 6) clausula nostra vsum habet, si testes, in testamento adhibiti, non sunt rogati, prout leges postulant *). Quamquam enim rogatio testium sit omissa, tamen sollemnitatibus codicilli testamentum gaudet, cum in codicillo rogatione testium non sit opus **), et quoties testamento insunt codicilli sollemnitates

tes et substantialia, toties clausula codicillaris testamentum in vim codicilli sustinet (§. VI.).

*) L. XXI. §. penult. ff. *qui test. fac. poss.*

**) Quamquam enim in testamento testes rogare necesse sit, tamen in codicillis id minime requiritur. Nam cum in testamentis rogatio ideo requiratur, quod testamenta olim in comitiis conderentur, ubi populus sollempni formula rogandus erat, GILL. *not. Articis* lib. XV. c. 27. codicilli autem nunquam in comitiis facta sint, cessat in codicillis ratio rogationis, ideoque ipsa rogatio.

§. XVIII.

Putant etiam valere testamentum vi clausulae codicillaris ut codicillum 7), si in eo filius testatoris sit institutus sed grauamine iniusto heredis institutioni adiuncto v. g. si filius saltim in legitima sit heres scriptus addita conditione, quam lex respuit *). Et conuenit etiam hoc principio nostro §. VI. praemisso, quia tunc ad sunt testamento requisita codicillaria. Nimirum si conditio deficit, filius perinde habetur ac si exheredatus fuisset, et hinc mediante clausula codicillari in vim fideicommissi valet testata-

stamentum **), vt filius etiam deficiente conditione nihilominus legitimam capiat.

*) Vid. L. XXXII. C. *de inoff. test.* Olim equidem liberi sub quadam conditione recte instituebantur. Distinguebant scil. Romani inter conditionem potestatiuam, casualem et mixtam, ita vt potestatiua filio adscribi posset, non alia L. III. §. 1. ff. *de heredibus inst.* cum extraneo quaelibet adscribi posset. Sed iure nemo legitima nullam plane admittit conditionem per cit. L. XXXII. C.

**) IO. DILECTVS *de arte test.* tit. III. caut. III. fol. 210.

§. XVIII.

Postquam exposuimus effectus clausulae codicillaris, quos vere habet, remotiue nunc erit procedendum et ostendendum, in quibus casibus illa nihil possit operari, et testamentum ne quidem vt codicillus subsistere queat, adiecta licet clausula codicillari. Praemittenda hic quoque est generalis regula, ex qua casus illi intelligi facile possunt. Regula haec est: *Nullum habet effectum clausula codicillaris, quoties testamento deest requisitum codicilli.* Veritas huius axiomatis ex eo apparet, quod effectus clausulae codicil-

dicillaris in eo consistat, ut testamentum valeat tanquam codicillus. Cum enim ut codicillus valere nequeat, si requisita codicilli in eo deficiunt, manifestum est, hoc in casu clausulam effectu suo destitui.

§. XX.

Ex hoc axioma sequitur, ut 1) testamentum tunc nullam ex clausula codicillari sentiat utilitatem, si testator inhabilis fuit v. g. furiosus, prodigus, mente captus, impubes, filius familias vel in poenam facultate testandi priuatus fuerit *). Etenim deficiente habilitate testatoris, deficit requisitum codicilli, cum habilitas eadem ad condendum codicillum requiratur, quae ad testamentum, nullusque alius codicillum facere possit, nisi qui testamenti faciendi ius habet **).

*) BEN. CARPZ. P. III. C. III. def. 39. CHRISTO. PHIL. RICHTER P. I. dec. LXIII. n. 18. seq. SAM. STRYCK. *caut. test.* C. XXIII. §. 4. IO. HEIN. A BERGER l. c. not. 2.

**) L. VI. §. 3. ff. *de iur. cod.* cui ob stare videtur pr. I. *de codicillis*, ubi AVGVSTVS ex consilio CAII TREBATII TESTAE statuisse dicitur,

ut si quis testamentum facere non posset, tamen codicillos posset. Sed non loquitur memoratus Instit. textus de eo, qui immediate ob legis prohibitionem testari impeditur, sed de eo, cui circumstantiae loci, temporis aliaeque ponunt impedimentum, ob quod testamentum facere nequit v. g. quod testium sufficientem numerum habere nequeat, neque iudicis copiam. Prior codicillum conderere nequit per L.VI. cit., bene vero posterior per cit. pr. l. de cod. v. g. qui septem testes habere nequit, recte facit codicillum, in quo tot testes non sunt necessarii. Hoc modo facile conciliantur leges istae sibi apparenter contradicentes.

§. XXI.

Similiter 2) nec illud testamentum iuvatur clausula codicillari, in quo inhabilis heres scriptus est *). Tum enim etiam deficit codicilli requisitum, cum habilitas eius, cui quid confertur non solum testamenti, sed etiam codicilli requisitum constituat, et nemini in codicillo aliquid relinqui possit, nisi cui in testamento **). Accedit et hoc quod mutato testamento in codicillum heredis institutio tanquam fideicommissum valeat et defuncti bona heredi instituto tanquam fideicommissum deductis

ductis deducendis praestanda sint (§. VI. *), inhabilis heres autem fideicommissum capere nequeat ***). Et qui directo non succedit, nec per indirectum, ne fraus legi fiat ****).

*) FAB. TVRRET. *de effect. claus. cod.* qu. CXXVII. def. § 1.

**) L. XIII. ff. *de iur. cod.* GEO. AD. STRVV. *in iurispr.* lib. II. tit. XXVIII. §. 2.

***) quod olim secus IVST. HENNING. BOEHMER *not. ad l.* p. 361. et per L. cit. demum introductum

****) SAM. STRYCK. l. c.

§. XXII.

Non tamen mens nostra haec est in §. praec. quasi omnia capita testamenti corruerent ob inhabilitatem heredis instituti, sed saluas manere vi clausulae cod. omnes alias dispositiones testamenti, in quibus nullum est vitium et tanquam codicillos subsistere. Sic v. g. valebunt legata aliis habilibus in eo relicta etc. Nam cum haec subsistant vi clausulae nostrae, herede nullo instituto (§. X.): idem dicendum est, si inhabilis sit institutus, maxime cum hodie legata etiam in codicillis relinqui possint *) in quos conuertitur testamentum per claus. cod.

D 2

Hinc

Hinc apparet, verba praecedentis §. ita esse intelligenda, vt clausula cod. solummodo respectu ipsius inhabilis heredis nihil operari possit ei-que tantummodo nihil conferre.

*) L. I. C. de codic. L. XXII. pr. ff. de leg. 3.

§. XXIII.

Porro ex axioma §. XVIII. posito sequitur, 3) clausulae cod. vim cessare regulariter*), si nequidem §., sed pauciores testes in testamento sunt adhibiti, quia tunc sollemnitatem codicillarem deficere manifestum est, cum per notoria iura §. testes ad codicillum regulariter requirantur **).

*) Diximus regulariter, si quidem exceptio est tunc, quando testator in tali statu est constitutus, vt singulari priuilegio gaudeat v. g. in loco peste infecto, tunc enim codicillum aequae ac testamentum coram duobus testibus facere potest 10. BALTH. A WERNHER P. III. obs. CXVII. ideoque tunc testamentum eius vi clausulae cod. vt codicillus valere potest, modo 2. testes adfuerint conf. supr. §. 13.

**) L. fin. C. de codic.

§. XXIII.

§. XXIII.

Et cum etiam 4) tunc requisitum codicilli testamento desit, si testes in eo adhibiti sunt inhabiles: tuto etiam ex principio, §. XVIII. posito, argumentamur, codicillarem clausulam vim habere nullam. Inhabiles autem sunt testes in codicillis imprimis furiosi, prodigi et in genere ii, quos lex a testimonio sollemnitatis dicendo arcet *), quia in codicillis testes non solum veritatis sed simul etiam sollemnitatis causa requiruntur, quod ex eo facile intelligi potest, quod 5. requirantur. Quodsi enim solummodo veritatis seu probationis causa adhibendi essent, sane duo sufficerent, cum duo testes classici plenam faciant probationem **).

*) Ideoque etiam feminae. Has tamen in codicillis habiles esse testes opinantur alii, inter quos est GE. AD. STRUV. *in iurispr.* l. II. tit. XV. §. 13. IO. GOTTLIEB. HEINECC. *Elem. iur. civ.* §. 684. quia feminae testimonium veritatis dicere possunt L. XX. §. 6. ff. *qui test. fac. poss.* L. XVIII. ff. *de testibus* et quia in §. 3 I. *de codic.* dicitur: *codicilli conduntur sine ulla sollemnitatis ordinatione*, ex quo apparere videtur, in codicillis testes solummodo probationis non soll. causa requiri. Sed prior ratio iam est reiecta

in §. et posterior olim quidem vera erat, cum institutiones compilarentur, quia tum temporis §. testes non erant necessarii in codicillis, nec alia sollemnitas, cessat vero haec ratio iure nouo et inprimis Codicis, quo §. testes aliaeque sollemnitates requiruntur, v. gr. vnitas actus L. f. C. *de cod.* Hinc recte in sententiam a STRVIO et HEINECCIO dissentientium imus A. VINNI ad §. 6. I. *de test. ord.* et HENRICI BERNHARDI REINOLDI *varior. c. VIII. conf. IENICHEN d. de testimonio mulierum in codicillis.*

§. XXV.

Porro ex axioma §. XVIII. fluit, §) tunc clausulae codicillaris vim cessare, si testamentum ratione voluntatis est imperfectum, i. e. si testator morte praeventus est, antequam omnia, quae disponere voluit, in test. absoluerit v. g. si dicit: CAIVS *b. e. TITIO do lego centum*, sed etc. et sic sermonem non absoluit *). Tunc enim etiam codicilli requisitum cessare, non est dubium, cum ad codicillum aequae ac testamentum requiratur perfectio intuitu voluntatis **).

*) IAC. GOTHOFREDVS in *Comm. ad Cod. Theod. To. I.* p. 349. colum. 2. n. 2. IO. HENR. DE BERGER l. c. n. 2. Quid sit imperfectum testamentum docet laudatus BERGER l. c.

**) Con-

- **) Confirmat hoc luculenter VIPIANVS L. XI. §. 1. ff. de leg. III. *quoties quis, inquit, exemplum testamenti praeprarat, et prius de cedat, quam testetur, NON VALENT QVASI EX CODICILLIS*, quae in testamento scripta sunt, licet verba fideicommissi scriptura habeat.

§. XXVI.

Tandem 6) cum ad codicillum etiam requiratur subscriptio testium et continuitas actus*) ideoque, alterutra deficiente, iterum codicilli requisitum desit: recte colligitur ex principio §. XVIII., tum quoque clausulam codicillarem testamentum non posse in codicillum transmutare.

- *) L. f. §. 3. C. de codicillis.

§. XXVII.

Restat vnica species, qua clausula nostra effectui caret, quae tamen ex principio nostro fluere non videtur, sed sola legislatoris voluntate determinata est. Nimirum 7) tunc quoque clausula dicta nullo gaudet effectui, si heres extraneus ex testamento egit tanquam testamento et succubuit. Scilicet si testamentum clausulam

Iam codicillarem habet annexam, in arbitrio scripti heredis est, utrum *jure directo* hereditatem ex testamento, an vero eandem virtute clausulae codicillaris ab herede legitimo, tanquam fideicommissum petere et ita dodrantem seu novem uncias (quarta trebellianica apud heredem remanente) accipere velit. Ast una via semel electa, altera praeccluditur i. e. si semel ex testamento egit et succubuit, integrum ipsi haud est, postea ex clausula codicillari agere *); modo reus statim litem sit contestatus. Ante enim, quam litis contestatio sit facta res adhuc est integra ~~ut actor seu heres institutus~~ mittere possit directam hereditatis petitionem et fideicommissariam instituere, prouti etiam heredes testatoris legitimi, nimirum liberi, parentes et coeteri usque ad quartum agnationis vel tertium cognationis gradum, si scripti fuerint in tali testamento, clausula codicillari praedito, adhuc variare et aliam viam eligere possunt **). Ratio diuersitatis est: quod extranei ad aliena, agnati vero et cognati ad sua quo-

quodammodo et sanguinis iure sibi debita bona vocentur. At ratio denegatae alternationis vel variationis non solum in odio omnis variationis quaerenda est, sed etiam in eo simul, quod, lite super hereditatis petitione semel contestata cum reo, actor renunciasset intelligitur iuri ex praedicta clausula ipsi enato fideicommissario ***).

*) L. fin. pr. C. de codic. OSWALD. HILLIG. in Donell. emend. l. VII. c. XVIII. lit. F.

**) dicta L. fin. §. si vero.

***) L. cit. vid. IO. HENR. A. BERGER *oec. iur.* lib. II. tit. III. §. 36. not. 6. vbi responsum esse testatur secundum rigorem legis memoratae. conf. IO. PH. TREIBER diff. *de clausula cod. testamento nunquam proficua* th. III. §. 10. quae diff. cum multis aliis selectissimis libris e bibliotheca egregia Magnifici Domini Rectoris Academiae, Ill. HEIMBURGII, Hospitis, Praeceptoris ac Patroni mei ad cineres usque summo opere venerandi, benignissime mecum communicata est.

§. XXVIII.

Sed recte monet excitatus BERGERVS *): quod modo adducta L. f. simplicitati et aequitati naturali vix conueniat. Nam renunciatio

E

iuris

iuris non praesumitur et ex alia causa agenti nec ex eadem ex qua repulsus est non obstat exceptio rei iudicatae **).

*) in *resolut. leg. obs.* p. 631. CUM IO. BRYNNEMANNO
ad cit. L. ult. n. 2.

**) L. XIII. pr. ff. de exc. rei iud.

§. XXVIII.

Quae hactenus disputata sunt non leuemi clausulae codicillaris euincunt utilitatem, ut sic mirari posses, quomodo IO. PHILIPPVS TREIBERVS, modo nominatus, dissertationem sub titulo: *de clausula salutari testamento nunquam proficua* scribere potuerit. Sed perlegenti tibi hanc dissertationem facile patebit, eam effectus illos, quos ex principiis indubitatis deduximus legibusque ac rationibus firmauimus, in dubium minime vocare, sed hanc solummodo esse eius mentem, quod clausula, circa quam occupati sumus, non seruet testamentum *qua tale*, et ad subsistentiam testamenti *qua testamenti* nil conferat sed in codicillum illud conuertat. Sic itaque nobiscum consentit, et non est, cur
con-

contra illum auctorem disputemus. Quod autem ea, quam determinauimus, sit vera mens, ipse auctor celeberrimus in tractatione expressis verbis fatetur et quidem th. i. §. 9. Interim inscriptio ista sine explicatione spectata videtur ambigua et ita capi posset, ac si clausula cod. plane nullum vsum haberet, quod clarissimis repugnaret legibus.

§. XXX.

Iam ad ipsum principale argumentum progrediendum est et utrum codicillaris clausula tacite in testamento sit subintelligenda, inquirendum, qua in quaestione decidenda mirifice DD. discrepant, ut triplicem inuenias eorum sententiam. Quidam enim simpliciter affirmant quaestionem, quod referas IO. A SANDE †) IAC. MENOCHIVM ††) aliosque, alii absolute eandem negant, in quorum numero plurimi sunt ICTi, ex quibus nominasse sufficiat IO. CHIFLETIVM *) OSW. HILLIGERVUM **) CARPZOVIVM ***) IO. BRVNNEMANNVM ****) SAM. STRYCKIVM *****), alii denique distinguunt inter species

testamentorum et in quibusdam privilegiatis eam subintelligi credunt, non in aliis *****). Ut itaque ordine procedamus, exponemus primo veritatem et deinde dissentientes refutabimus, inter quos primo illos, qui simpliciter negant codicillarem clausulam subintelligi, postea vero distinguentes sunt audiendi.

†) lib. III. tit. I. def. 12.

††) *de praef.* lib. III. praef. III. n. 5. seqq.

*) *de iur. fideicommiss.* lib. III. c. II.

**) ad DONELLVM lib. VII. c. XVIII. lit. B.

***)) P. III. C. III. def. 38. qui tamen alio loco distinguendum castra sequitur.

****)) ad L. f. §. 1. et 2. *C. de codic.*

*****)) *in caut. test.* c. XXIII. §. 32. et in V. M. ff. lib. XXVIII. tit. ult. §. 9.

*****)) in quibus est BERGERVS memoratus l. c. not. 5. et CARPZ. citatus P. III. C. III. def. 20. 22. n. 7. IAC. MENOCH. lib. III. praef. XXXI. n. 9. FRANC. MAN- TICA *de coniect.* ult. vol. lib. I. tit. VIII. HARTM. PISTOR P. III. qu. VIII. n. 19.

§. XXXI.

*Veram esse credimus eorum sententiam, qui
omni testamento clausulam nostram praesumti-
ve*

ne inesse judicant, sed excipimus illum casum, si ex ipsis testamenti verbis clare appareat, testatorem noluisse, ut testamentum suum unquam valeat tanquam codicillus. Firmabimus primo regulam argumentis, ab aliis partim plane intactis, partim non sufficienter excussis, deinde etiam exceptionem corroborabimus. Nimirum, qui ultimam declarat voluntatem, aut vult facere testamentum principaliter aut codicillum principaliter. De posteriori casu non loquimur. In priori aut vult in subsidium codicillos conficere, aut non. Posteriorem speciem concernit nostra exceptio, de qua §. XXXX. et in priori iterum adhibenda est distinctio. Nam si testator vult, ut testamentum suum in subsidium valeat tanquam codicillus illud vel vere vult, vel praesumptive, et si illud, vel expresse vel tacite. De expressa voluntate testatoris ut testamentum valeat ut codicillus, hic non agimus, sed de tacita et praesumptiva *).

*) Non ita distincte procedere alios quosdam in hoc argumento, et confundere tacitam codicillarem clausulam et praesumptam, quilibet facile animadvertit,

qui aliorum parcas admodum de hac materia observationes perlustrat.

§. XXXII.

Tacita voluntas, quatenus a praesumptiva distinguitur, per notoria iuris principia est ea, quae proxime ex factis quibusdam concludentibus volentis per se colligitur *) cum, e contrario praesumptiva ea sit, quae proxime ex legis dispositione eruitur, vel a iudicio iudicis dependet. Quapropter si tacitam dari codicillarem clausulam volumus demonstrare, necesse est, ut facta quaedam testatoris occurrere ostendamus, ex quibus voluntas eius, quod testamentum in subsidium ut codicillus valere debeat, colligi possit; et si praesumptive clausulam codicillarem testamento inesse probare volumus, lex quaedam erit ostendenda, quae prodit voluntatem testatoris de subsidiariis codicillis condendis, cum iudicis arbitrium illam non possit assignere testamento. Facta memorata quod attinget, ea existere interdum et existere posse omnino certum est. Sic enim fieri potest, ut testa-

testator vel in ipso testamento vel extra illud declararet, quod, nisi testamentum suum iure testamenti valere possit, heredes ab intestato deducere debeant quartam Trebellianicam ab hereditate et reliquam restituere heredi in testamento scripto. Nonne hic testator tale quid facit, ex quo tuto concludi potest voluntas eius ut testamentum in subsidium valeat iure codicillorum **)? Porro 2) si declarat, se deficiente iusto testium numero fore contentum 5. testibus habilibus, nonne idem dicendum est? nonne tunc etiam ~~implicite~~ significat se sperare et velle, ut testamentum suum valeat iure codicillorum in subsidium? Profecto nihil aliud potest credi, si testator vel ipse iurium peritus est, vel ex consilio iuris peritorum id agit, ideoque scit 5. testes solum ad codicillum non ad testamentum sufficere. Idem statuendum est, 3) si dicit, volo, ut testamentum meum *iure fideicommissi* valeat, nisi ut testamentum subsistere posset. Interim non nego, fore, qui huic et proxime praecedenti declarata

clarationi testatoris clausulam codicillarem inesse negent, ideoque nemini suadere vellem, ut lubrica hac declaratione vtatur, quam si mens testatoris accurate ponderatur, quae nouo iure plus quam verba eius valet ***), dictae declarationi vis codicillaris clausulae iure tribui possit.

*) Ill. atque longe celeberrimus DARIUS *Inst. iur. vn.* §. 491.

**) Neque enim huc pertinet L. XIII. ff. de inofficioso testamento, quippe quae non de nostra specie, sed de testamento inofficioso quasi a demente facto loquitur, conf. IO. BRUNNEMANN ad L. cit. ideoque in opposito casu nostro nobis adfuit,

***) L. III. C. de lib. praeter.

§. XXXIII.

Porro ad facta illa, ex quibus testatoris voluntas de codicillis subsidiariis condendis elucescit, referendum est 4) si testator in testamento vim et effectum testamenti prohibuerit. Tunc enim succedentes ab intestato videntur dare rogati *), 5) si dixit, ut actus, quem agit, omni sollemnitate remota valeat **), 6) si voluerit legata deberi etiam si hereditas non adata-
tur

tur ex testamento ***), 7) si adiecto distribu-
tuo *quisquis mihi heres erit*, heres ita nuncu-
patus dare damnatus fuerit ****).

*) IO. DE IMOLA in L. I. ff. de condit. inst.

**) PETRVS BALDVS in L. penult. in f. ff. de leg. II. so-
CINVS reg. 398.

***) PETRVS BALDVS in L. I. ff. si quis omiff. cauff. test.
OSWALD. HILLIG. in Donello emend. lib. VII. tit.
XVIII. lit. E.

****) IDEM. in L. XVIII. ff. de exc. rei jud.

§. XXXIII.

Tandem 8) si testator voluerit, ~~ut testamen-~~
tum suum valeat *omni meliori modo*, vel *iure*
cuiuslibet ultimae voluntatis, dubium nullum est,
quin animus testatoris de codicillis in subsidium
condendis possit ex hac declaratione erui. *)

*) Vid. L. XXVIII. §. I. ff. qui test. fac. poss. OSWALD.
HILLIG. l. c. lit. D. Neque nobis obiici potest,
verbis *iure cuiuslibet ultimae voluntatis* vel *omni me-*
liori modo clausulam codicillarem non tacite sed
expresse contineri. Vtique enim tacite tantum
continetur, quia haec verba non *directo* codicillum
loquuntur sed *per consequentiam* tantum eum inuol-
vunt. Et certe qui talibus utitur verbis, quae rem
non *directo* designant, sed per *indirectum*, non ex-

preſſe rei facit mentionem ſed tacite. Sic ſi dico: omnis homo eſt rationalis, Caium non expreſſe ſed tacite ſeu implicite deſigno.

§. XXXV.

Cum itaque haſtenus recensuerimus facta, quae produnt voluntatem teſtatoris, ut teſtamentum ſuum valeat tanquam codicillus, ſi ut teſtamentum valere nequit et poſitis talibus factis ponatur tacita clauſula codicillaris. (§. XXXII.): manifeſtum eſt *dari clauſulam codicillarem tacitam.*

§. XXXVI.

Nunc ad id, quod magis in dubium vocatum reperimus, provenimus, ſcil. utrum *praeſumatur* clauſula codicillaris in teſtamento, licet factis nullis ſit declarata. Et in hoc quidem argumento lex eſt quaerenda, ex qua praeſumtio iuris oritur. Fatemur, legem extare nullam *ſpecialem*, quae expreſſis verbis hanc praeſumptionem contineret, ſed tamen dantur leges, quae eandem virtualiter et implicite continent

tinent, quaeque non solum humano arbitrio
 innituntur sed ipsa etiam recta ratione. Ex his
 prima est, quod *nemo actum frustraneum agere*
valle credendus sit, quae ipsi humanae naturae
 et rationi aequae ac civilibus dispositionibus *)
 per quam conueniens est; quaeque in ultimis
 voluntatibus eo magis est obseruanda, quo gra-
 uiora sunt confectaria, quae ex earum nulli-
 tate sunt expectanda. Et sane ipsos Ictos Rom.
 hac lege in ultimis voluntatibus vfos esse, scri-
 pta eorum, in digestis conseruata, luculenter de-
 monstrant. Exemplo sit *PAVLVS**)* qui hanc
 tractat speciem: *LVCIVS TITIVS*, inquiring,
cum suprema sua ordinaret in ciuitate et habe-
ret neptem ex filia praegnantem, rure agen-
tem, scripsit id quod in utero haberet ex par-
te heredem: quaero cum ipsa die, qua TITI-
VS ordinaret testamentum in ciuitate, hora
dici sexta, eodem die albescente coelo rure sit eni-
xa MAEVIA masculum, an institutio heredis va-
leat, cum, quo tempore scriberetur testamen-
tum, iam editus esset partus: PAVLLVS re-

*spondit, verba quidem testamenti ad eum prone-
potem directa videri, qui post testamentum fa-
ctum nasceretur: sed si, (vt proponitur) eadem
die, qua testamentum factum est, neptis testato-
ris, antequam testamentum scriberetur, enixa
esset, licet ignorante testatore, tamen institu-
tionem iure factam videri recte responderi.*
Ratio huius decisionis alia inueniri nequit,
quam quod de testatore praesumendum, eum no-
luisse vt institutio nascituri putatiui, qui iam
vere natus erat, sit frustranea ob erroneum leuem
circa diem vel horam natiuitatis. Scilicet casus
hic est: auus instituit in testamento eum, quem
neptis paritura est, sed ingnorante auo neptis
iam edidit partum, quaer. an valeat institutio?
Respondetur in L. cit. ex verbis testamenti non
valere, quippe quae de nascituro concepta sunt
non de nato, sed tamen ex intentione testato-
ris, quia non vult testator, vt institutio sua ob
exiguum errorem circa horam natiuitatis sit ir-
rita et quia, si quis testatori natiuitatem iam fa-
ctam nunciasset, interrogans eum, an partus
heres

heres esse debeat? profecto testator respondisset: heres esto ***). Vnde altera regula, ad argumentum nostrum spectans, cum DD. colligitur, *quod testator pro sua voluntate interrogatus respondisset id pro expresso habetur seu praesumitur* ****).

*) L. I. XXX. ff. de verb. obl. L. III. ff. de testam. mil. vbi: *nec credendus est quisque genus testandi eligere ad impugnanda sua iudicia.*

**) in L. XXV. ff. de lib. et post.

***) vid. IO. BRUNNEM. ad L. cit.

****) I. KLOCK. vol. III. conf. CX. MATTHI. BERLICH. P. II. dec. ult. SARDVS vol. I. conf. LXXXVIII. n. 17. et conf. CXII. n. 100. conf. IO. BRUNNEM. l. c.

§. XXXVII.

Accedit tertia iuris regula ab indubio ultimarum voluntatum favore, quo leges eas prosequuntur, desumpta, *quae testamentum in dubio ita capi vult, ut subsistat magis, quam corruat testatoris voluntas*, quae regula innumeris exemplis et rationibus, si opus esset, corroborari posset, quaeque aequitati apprimè convenit.

Haec etiam praesumptionem, quam stabilire intendimus, non parum adiuuat.

§. XXXVIII.

Cum itaque 1) lex ipsa praesumat, neminem frustraneum actum suscipere et 2) testatorem id voluisse, quod interrogatus respondisset (§.XXXVI.) praeterea 3) testamentum in dubio ita explicari velit lex, ut subsistat testatoris dispositio (§. ant.): certe consequens est, praesumere etiam legem, testatorem voluisse, ut testamentum suum iure codicilli valeat, nisi ut testamentum subsistere possit. *Et hinc manifestum est ex triplici ratione, legem in testamento praesumere clausulam codicillarem.* Quilibet enim facile intelligit, degenerare testamentum in actum plane nullum et irritum, si ut testamentum valere nequit neque ut codicillus valere debet, et testatorem interrogatum, utrum velit, suum testamentum neque ut codicillum neque ut testamentum valere, responsurum fuisse: volo, ut tanquam codicillus subsistat in subsidium

dium. Haec, nisi testatorem mente captum fingas, negare haud audebis.

§. XXXVIII.

Tandem accedit quarta ratio praesumptae clausulae codicillaris, quae ab eo desumpta est, quod in omnibus fere testamentis clausula codicillaris adiiciatur *) et quod regulare est, praesumatur.

*) BEN. CARPZ. P. III. C. VIII. def. 12. fin.

§. XL.

Sed cum supra §. XXXI. casus quidam fuerit exceptus, ubi clausula codicillaris in testamento praesumi nequit: nunc de eo paucis erit agendum. Casus exceptus hic est, ubi testator luculenter declaravit, se *tantummodo* testamentum condere velle nullosque codillos subsidiarios. In hoc casu non potest non cessare praesumptio clausulae codicillaris *), quia omnis praesumptio cedit veritati et probationi contrarii **). Neque est, cur dubitemus dari interdum talem casum. Fieri enim potest,

potest, vt testator odio prosequatur heredes suos ab intestato et omne ex hereditate sua emolumentum ipsis subtrahere allaboret ***). Tunc sane etiam quartam Trebellianicam ipsis conferri non vult, quae tamen ipsis conferretur, si testamentum ductu clausulae codicillaris in codicillum transiret. His itaque sub circumstantiis fieri potest, vt vel expressis verbis vel aliis luculentis signis declaret, nolle se, vt testamentum iure codicillorum valeat et fideicommissi naturam induat, ne quid lucri accrescat heredibus suis ab intestato.

*) Huc spectat L. VIII. §. 1. C. de codicillis vti infra exponemus.

**) Id quod ex ipsa natura praesumptionis patescit, quippe quae est propositio ex probabilibus rationibus pro vera habita donec probetur contrarium; nisi loquaris de improprie sic dicta praesumptione iuris et de iure.

***) Quod substitutiones in testamentis docent, quippe quae hodie maxime fiunt in odium heredum ab intestato et ne destituatur testamentum, de quo pluribus egimus in diss. de substituto vulgari per institutum adeuntem non excluso.

§. XXXXI.

§. XXXXI.

Prodeant nunc illi, qui praesumi negant in testamento codicillarem clausulam, sed exprimi illam debere contendunt, quique legibus quidem variis armati sunt, quas tamen maximam partem veteris iurisprudentiae formularis principiis inniti credimus. Et nouae saniori et aequiori non conuenire. Vt hoc clarius fiat, praemittenda sunt quaedam de vereri testamentorum natura et qualitate, antequam ipsarum legum memoratarum ~~explicationem aggrediamur~~. Erat nimirum testamentum ob singularem illud condendi modum in comitiis suffragante populo *), *instar legis* **) ideoque cum legislatoris non sit *suadere* in lege sua, vel *rogare* ~~subdi-~~tos sed *imperare* iis, colligebant inde Romani, testatorem quoque in testamento vti debere verbis *imperatiuis* et *directis* circa institutionem heredis ***) aequae ac circa legata ****), non precatiuis seu obliquis. E contrario codicillusquam in comitiis sunt conditi ideoque nec considerati sunt tanquam leges, vt sic in his

G

ratio

ratio verborum imperatiuorum, in testamentis olim necessariorum, plane cessauerit; quo factum est, vt codicilli tantum precatia verba admitterent veluti fideicommissum et similia verba et vt olim respuerent legata, vsquedum Iustinianus legata et fideicommissa particularia exaequauerit *****). Erat itaque differentia ratione verborum et formularum inter testamentum et codicillum tanta, quanta fere inter nigrum et album, et alterum alterius oppositum constituebat, vt sic per ipsam rei naturam testamentum non simul esse posset codicillus, sed testator scripturam testamenti praeparans non posset non excludere codicilli naturam ab ista scriptura, quemadmodum qui pannum nigro colore tingit, nullo modo potest idem simul albo induere. Ex quo facile patet, testatorem olim velle praesumi non potuisse, vt testamentum suum in subsidium fieret codicillus ideoque nec clausulam codicillarem habere in animo. Cum qui ex duobus oppositis vnum eligit, non praesumi potest re-

pudiato

pudiato electo alterum malle. Hinc sane mirandum non est, veteres ICtos in Digestis † statuere quod clausula codicillaris expresse adicienda sit.

*) cuius modi in testamento condendo adhibendi rationem eruit IO. GOTTL. HEIN. Antiqq. lib. II. tit. X. CHRIST. THOMAS. d. de prim. init. success. testam.

**) Nou. XXII. c. II.

***) VLP. in fragm. tit. XXI. §. 1.

****) quae prouti vel hac vel illa formula relicta erant damnationis legata dicebantur; vel praeceptionis vel vindicationis; vel finendi modo relicta §. 2. I. de leg. v. r. fragm. tit. XXIII. §. 11. seqq. A. MERILL. obs. lib. VI. cap. XXXII.

*****) G. AD. STRV. iurispr. lib. II. tit. ff. XXIII. §. 19.

† e. g. in L. XXXXI. §. 3. de vulg. et pup. subst.

§. XXXXII.

Explorabimus nunc vtrum hodie etiam talis repugnantia inter codicillum et testamentum deprehendatur, ob quam veteres ICTi Romani cum, qui testatur, codicillari voluisse non praesumunt. Licet ratione heredis instituendi etiamnum discrepet codicillus a testamento, siquidem ille heredis directi institutionem non

admittit *), bene vero testamentum: tamen tanta; non amplius superest differentia inter vtrumque, quanta olim erat. Primo enim Constantinus **) sustulit verba directa et imperatiua circa institutionem heredis in testamento olim obseruanda, imo etiam circa legata ***) eadem aboleuit, deinde in codicillis legare permissum est aequae ac in testamentis (§. ant.) imo fideicommissa, quae in codicillis quoque relinqui possunt, siue vniuersalia sint siue singularia, hodie non praecise precatuius verbis sunt ordinanda sed quibuscunque verbis, quae restitutione hereditatis vel eius partis aliquem onerant, absoluntur****). Hoc posito interdum non sine difficultate iudicare possumus, nostris temporibus vtrum testamentum adsit an codicillus. Finge enim Cajum deficientibus liberis et parentibus voluntatem vltimam huius tenoris declarare: *uxor mea habeat omnia mea bona excepta quarta eorum parte, quae ad fratrem meum pertinere debet.* Sane, si haec dispositio iudicialiter infi-

nua-

nuatur et testes nulli adhibentur, vt ex eorum numero iudicari nequeat, vtrum testamentum an codicillus factus sit, non facile aliunde de eo constabit, cum verba dispositionis huius ad testamentum aequae ac codicillum trahi possint, quia modo tanquam heredis institutio directa vxoris, cui annexum est legatum fratri praestandum, explicari possunt ****), modo tanquam fidei commissum ab heredibus ab intestato praestandum (si heredis institutionem directam meliori forma fieri debere opinaris) et priori casu testamentum adest, posteriori codicillus ab intestato factus.

*) §. 2. I. de codic. L. VI. pr. L. X. ff. de iur. cod. L. II. C. de codicil.

**) in L. XV. C. de testam.

*** in L. cit. ibi: in postremis iudiciis ordinandis amota erit verborum solemnium necessitas.

****) IOH. GOTTFR. SCHAVMBURG. iur. Digest. lib. XXXVI. tit. I. §. 3.

*****) Non enim verbum heres, succedere, hereditas ad institutionem heredis requiritur, sed quaelibet verba, quae successorem vniuersalem sine alicujus restitutione futurum monstrant, sufficiunt ad di-

rectam institutionem AVG. A. LEYSER *medit. ad ff. spec.* CCCLVI. med. II. et *spec.* CCCLX. med. I.

§. XXXXIII.

Cum itaque hodie non tanta sit differentia inter codicillum et testamentum, quanta antiquis temporibus (§. antec.): corrui ratio, quare Icti Romani in Digestis eum, qui testari voluit, codicillari non voluisse praesumant, ideoque ipsa eorum praesumptio cadit. Nulla enim alia ratio mouit Ictos vel mouere potuit, quam quod toto coelo suis temporibus distaret codicillus a testamento et sibi inuicem essent contraria. (§. XXXXI.) Quod ipse a nobis dissentiens agnoscit IO. BRVNNE MANNVS *.

*) ad L. ult. §. 1. 2. C. de codicillis verbis: *cum sint diuersae species.*

§. XXXXIII.

His praestructis danda est responsio ad leges, quarum praesidio suffulti dissentientes contra nos disputant. Prouocant imprimis ad L. XXXXI. §. III. ff. de *vulgari et pup. subst.* vbi PAPINIANVS: Quae ita locum habent, inquit,

quit, *si patris testamentum iure valuit: alioquin si non valuit, ea scriptura, quam testamentum esse voluit, codicillos non faciet, nisi hoc EXPRESSVM sit.* Cum itaque hic dicatur, *exprimi* debere codicillarem clausulam, inferunt inde, eam non praesumi posse, nam quod praesumitur, non est necessario exprimendum. Sed, cum §. XXXXI. XXXXIII. probatum sit, leges Pandectarum, quae testatorem non codicillari voluisse praesumunt, non ~~aliam habere rationem~~, quam quod olim codilli et testamenta verborum formulis sibi invicem repugnarent, et hanc rationem nouo iure cessare: non possunt non ipsae etiam hae leges cessare. Quare cum haec, *quam modo adduximus*, lex etiam talis sit, manifestum est, eandem quoque usu suo destitui.

§. XXXXV.

Accedit et hoc, quod τὸ EXPRESSVM in lege occurrens vix ita stricte accipi possit, ut tacita voluntas excludatur. Saepe enim τὸ EXPRESSVM in iure idem denotat ac CLARVM.

Sic

Sic enim IVSTINIANVS collationis necessitatem EXPRESSIM remittendam esse disponit *) quod nihil aliud indicat, quam CLARE eam debere; remitti, siquidem alia lege **) tacitam remissionem etiam valere docemur et lex ex lege est explicanda. Imo, quod PAPINIANVS in verbis: *nisi hoc EXPRESSVM sit* disponit, alia in lege ***) sic habetur: *nisi id ille COMPLEXVS SIT, ut vim etiam codicillorum scriptura debeat obtinere*, ubi τ COMPLEXVS SIT, non solum de *expressa* declaratione sed de tacita etiam intelligi potest. Interim fateor quod licet τ EXPRESSVM idem esset PAPINIANO *ac clarum*, tamen PAPINIANI assertum non stabiliat *praesumptionem* clausulae codicillaris. Sufficit autem nobis, in §. ant. monstrasse, illud ob cessantem eius rationem ipsum hodie extra vsum esse.

*) Nov. XVIII. c. 6.

**) L. XXXVIII. §. 1. ff. Famil. heredit.

***) L. ult. §. 1. C. de codicill.

§. XXXXVI.

Idem dicendum est de alijs quibusdam legibus

gibus Digestorum, quas dissentientes obtorto quasi collo in suas trahunt partes, quaeque id plane non continent, quod in eo quaerunt. Hae enim, si iis vere patrocinaarentur, tamen cessante earum ratione (§. XXXXIII.) non possent contra nos excitari. Ad has pertinet L. III. ff. de testamento militari ubi ULPIANVS: si miles, inquit, qui destinauerat communi iure testari, ante defecerit, quam testaretur, POMPONIVS dubitat. Sed cur non *in milite diuersum probet?* neque enim, qui voluit iure communi testari, statim beneficio militari renunciauit, nec credendus est quisque genus testandi eligere ad impugnanda sua iudicia, sed magis utroque genere voluisse propter fortuitos casus, quemadmodum plerique pagani solent, cum testamenta faciunt per scripturam, adicere, VELLE HOC ETIAM VICE CODICILLORVM VALERE: quisquam dixerit, si imperfectum sit testamentum codicillos non esse? nam secundum nostram sententiam etiam Diuus Marcus rescripsit. Sed quis quaeso ex hac lege argumentum pro ad-

H

uersa.

uersariis nostris extorquere valet? Tantum enim abest, vt illa sententiam eorum stabiliat, vt potius nostram non parum adiuuet, partim ob verba *nec credendus est quisquam genus testandi eligere ad impugnanda sua iudicia* partim obsequentia: *sed magis utroque genere voluisse*, ex quibus ob manifestam rationis paritatem a milite, de quo sermo est in hac lege, argumentum recte duci potest ad alium, vt quemadmodum miles utroque genere scil. communi et in subsidium privilegiato militari voluisse testari censetur, sic etiam paganus utroque modo scil. testamenti ~~iure et in subsidium~~ iure codicilli voluntatem suam declarasse praesumatur. Ecce quam falsa sint interdum D. D. argumenta ex lege petita! Sed forsan ex postremis verbis, *plerique solent adjicere: velle hoc etiam vice codicillorum valere*, concludunt, quod *exprimenda sit* clausula nostra. Ast quis non videt, 1) *solent* non esse dispositiuum verbum sed enunciatiuum, 2) 1) *adjicere* non idem esse ac *exprimere* et tacite etiam et praesumte

sumte aliquid adiici posse? Imo ex eo, quod *plerumque* adjiciatur clausula codicillaris, novum pro nobis fundamentum oritur praesumtae clausulae codicillaris, siquidem quod *plerumque* fit, etiam praesumitur.

§. XXXXVII.

Eiusdem generis est L. penult. §. ult. ff. de leg. 2., ad quam dissentientes frustra provocant, quaeque nihil, quod praesumptionem nostram destruere posset, ~~habet.~~ *Sic enim lex loquitur: LVCIVS TITIVS HOC MEVM TESTAMENTVM SCRIPSI SINE VLLIO IVRIS PERITO, RATIONEM ANIMI MEI POTIVS SECVTVS, QVAM NIMIAM ET MISERAM DILIGENTIAM: ET SI MINIVS ALIQVID LEGITIME MINVSVE PERITE ALIQVID FECERO, PRO IVRE LEGITIMO HABERI DEBET HOMINIS SANI VOLVNTAS* *deinde heredes instituit. quaesitum est, intestati eius bonorum possessione petita, an portiones adscriptae ex causa fidei commissi peti possint? Respondi secundum ea, quae*

H 2

propo-

proponerentur, posse. Proponit haec lex speciem, quod quis adjecit suo testamento clausulam codicillarem, non quidem verbis directo ad illam directis, sed per indirectum (§. XXXIII.) *) et dicit Ictus, valere testamentum ut codicillum. Quod enim, ut codicillus valeat, ex eo apparet, quia dicit Ictus, portiones adscriptas ex causa fideicommissi peti posse, et illae *iure directo* valerent, si ut testamentum subsisteret voluntas. Quomodo vero ex eo, quod in narrata specie clausula codicillaris vim suam habeat, inferri potest contrarium in eo casu, si non expressa est? Nonne scimus notissimam regulam: *unius positio non est alterius exclusio*? Profecto nihil minus ex hac lege colligi potest, quam argumentum pro dissentientibus nostris.

*) conf. IO. BRUNNEM. ad L. cit.

§. XXXXVIII.

Sed repeto denuo, leges illas Pandectarum, si vel maxime excluderent praesumptionem clausulae codicillaris, tamen nobis non ob-
stare,

stare, cum earum rationem non amplius obtinere, supra (§. XXXXIII.) monstraui. Videbimus nunc, utrum leges recentiores ex codice petitae, quas dissentientes pro se allegant, nobis vere sint contrariae, quippe quas usu suo destitui, simpliciter dici nequit, uti de quibusdam Pandectarum legibus dictum est. Inter has eminet prae aliis L. VIII. §. I. C. de codicill. ubi THEODOSIVS illud quoque, inquit, pari modo seruandum est, ut testator, qui decreuit facere testamentum, si id adimplere nequiverit, intestato videatur, defunctus: nec transducere liceat ad fideicommissi interpretationem, velut ex codicillis ultimam voluntatem, nisi id ille complexus sit, ut vim etiam codicillorum scriptura debeat obtinere. Hic itaque disponi credunt, quod regulariter testamentum non possit verti in fideicommissum et codicillum nisi clausula codicillaris sit expressa, quorum primum ex verbis, nec transducere liceat ad fideicommissi interpretationem, posterius ex verbis: nisi id ille complexus sit etc. colligunt. Sed priora ver-

ba

ba respiciunt illum casum, quem supra §. XXXI. XXXX. proposuimus, vbi scil. clare constat, quod testator *tantummodo* facere voluerit testamentum, non vero codicillos subsidiarios, ne forsan heredes ab intestato capiant Trebellianicam. Hunc sensum praecedentia verba: *qui decreuit facere testamentum* suadent, imo etiam consequentia: *nisi id ille complexus sit*, quippe quae de adjecta clausula codicillari, quam vel verbis testator exprimit, vel mente et cogitatione complectitur, loquuntur, ideoque verbum *NISI* satis indicat, praecedere casum contrarium, quo testator ~~eam mente non complexus est~~, seu, quod idem est, *tantummodo* testamentum condere voluit. Sane cum lex ex lege explicari debeat et iniquus sit ille interpres, qui repugnantiam legum admittit, vbi illa distinctione tolli commode potest; nemo facile hanc explicationem improbabit, perpendens principia iuris, pro praesumptione clausulae codicillaris supra §. XXXVI. et XXXVII. adducta, quippe quibus lex citata repugnaret, ni-

si

fi ea, qua vſi ſumus, eius interpretatio admit-
tatur. Et quo certius eſt, legem explicando
ad principia eſſe accommodandam, eo minus
explicatio noſtra vocari poteſt in dubium.
Maximam autem vim inferunt legi, qui verba,
niſi id ille complexus ſit, ita torquent, vt codi-
cillarem clauſulam expreſſis verbis adjici debe-
re inuoluant, quaſi *to complecti* idem ſit ac
exprimere, cum tamen toto coelo diſtent.
Complecti enim aliquid poſſum animo, mente
et voluntate ſola, ~~non vero exprimere ſeu~~
~~expreſſe ponere.~~ Quare cum Imperator in ci-
tata lege nihil amplius requirat, quam vt te-
ſtator *complexus ſit* codicillarem clauſulam, ſi
effectum habere debet, id, quod ~~animo ſola~~
tacite etiam et praefumte fieri poteſt, lex Eius
adiuuat potius ſententiam noſtram, quam ean-
dem infirmat.

§. XXXXVIII.

Altera lex Codicis, qua infringere ſtudent
praefumptionem clauſulae codicillaris, ex eo-
dem

dem titulo petita et numero est prima. Haec vero ita se habet: *Rupto quidem testamento postumi agnatione codicillos quoque ad testamentum pertinentes non valere in dubium non venit.* Videtur haec lex patrocinari iis, qui clausulam codicillarem in testamento praesumi negant, quia dicit, testamentum per agnationem postumi valorem suum amittere vna cum codicillis ad illud pertinentibus; cum si clausula nostra testamento tacite inesset, valeret illud in vim codicilli et fideicommissi (§. VIII. et §. XIII.) et sic valere etiam viderentur codicilli ex ipso testamento dependentes, quippe qui testamenti ius sequuntur*). At enim vero primo nondum probatum est, valente testamento ut codicillum, valere etiam principales codicillos, deinde ruptum testamentum saepe non potest fieri codicillus validus per clausulam codicillarem, tunc scil. si in eo postumus a testatore ignorante, se postumum habiturum, praeteritus est (§. XV.), quia, tunc error sese immiscet qui tolli clausula codicillari nequit, cum error a codicillo

cillo aequae ac a testamento abesse debeat. Et de hoc casu ut legem intelligamus non solum nihil impedit, sed postulant etiam id regulae interpretandi artis, quia sic lex salvis verbis eius conciliatur cum principiis iuris, quae clausulam codicillarem praesumi volunt (§. XXXVIII.). Et certe in adducta specie mirandum non est, corruere codicillos cum testamento, nec illud in vim codicilli valere, quia in specie memorata clausulae codicillaris vim cessare §. XV. probatum est. Sed non sequitur, idem esse positum contrariis circumstantiis, ut testator scilicet sciuerit postumum. Qui legem citatam obtorto quasi collo ad hanc oppositam speciem, quo postumus a parente *sciente* est praeteritus, trahere vellet, non solum sine necessitate id faceret, sed simul etiam fauoris ultimarum voluntatum, quem leges indulgent, nullam haberet rationem. Immo ipsa verba: *rupto testamento* innuunt spe-

I

ciem

ciem, vbi testamentum omni plane etiam codicilli valore destituitur, quod accidit, si testator postumum ignorauit. Si enim codicilli valor, testamento inest, non rumpitur cum pleno effectu.

*) L. XVI. ff. de iur. codicill.

§. L.

Neque credendum est, aduersarios in verbis finalibus legis primae praesidium quaerere, quae huius tenoris sunt: *Sed cum post ruptum testamentum patrem pupillorum vestrorum litteras emisisse propinatis, quibus praecedens iudicium confirmauit: proctor nihil contra ius fecit, si nouissimam eius voluntatem secutus relictum testamento reipublicae fideicommissum, ut ex codicillis relictum, praestandum esse pronunciauit.* Nemo enim videt, quomodo haec nobis repugnent. Casus proponitur, quo testator Cajo relinquit in testamento fideicommissum,

sum ruptoque per natiuitatem postumi testamento codicillum facit, quo testamenti dispositionem intuitu fideicommissi confirmat. Petit mortuo testatore Cajus fideicommissum et Praetor petito annuit. Quaeritur in lege, an recte id fiat? quae quaestio videri posset neganda, quia rupto testamento codicilli etiam videntur rupti. Sed, quia codicillus post ruptum testamentum, non vero ante factus est, ideoque ~~ad testamentum non pertinet *~~, quaestio ab Imperatore non potest non affirmari **). Sed haec non sunt contra nos.

*) L. XVI. cit.

**) IO. BRUNNEMANN. ad L. I. C. de codicill.

§. LI.

Restat vnica L. XI. f. C. de *testamentar. manumiss.* vbi Diocletianus et Maximinianus: *Si iure non subsistit testamentum*, inquit, in

boc nec libertates (cum non fuisse adiectum, ut pro codicillis scriptum valeret, proponas) recte datas constabit. Captant forsan verba: *cum non fuisse adiectum, ut pro codicillis scriptum valeret, proponas*, ex iis colligentes, *exprimendam* esse clausulam codicillarem. Sed hoc modo *adjicere* contra loquendi usum pro *exprimere* accipiunt. *Adjici* etiam potest tacite*), sed tacite *exprimere* inuoluit manifestam contradictionem, cum tacitum et expressum sibi inuicem opponantur, quod notissimum est. Ex his itaque satis apparet, quod ~~ta adicere et exprime-~~ re pro se inuicem substitui nequeant, nec pro synonymis haberi.

§. LII.

Sunt, qui non quidem in omni testamento, sed tamen quibusdam priuilegiatis in primis parentum inter liberos et militari clausulam codicillarem praesumi sibi persuadent, cum haec
quo

quocunque modo condita valeant, non autem ea, quae privilegio destituta sunt singulari *). Quam opinionem rejicit SAM. STRYCK **) putans in militari testamento et parentum inter liberos clausulam dictam nullum plane usum praestare, sed obesse potius, siquidem illa 5. testes regulariter supponit, subscriptionem eorum, continuitatem aliaque (§. XXVI.), quae in his minus solemnibus testamentis in se spectatis haud requiruntur. Sed tamen interdum in dictis testamentis clausula codicillaris non omni caret utilitate. Operatur enim hoc, vt, deficiente testamentario herede v. g. repudiante, legata ab heredibus legitimis tanquam fideicommissa peti possint ***). Supra enim (§. X.) probatum est, quod hic effectus clausulae nostrae insit. E contrario, si testamentum militis vel parentum inter liberos clausula codicillari plane esset destitutum, et tamen

heres in eo scriptus deficeret, non video, quomodo heredes ab intestato ad praestanda legata adigi possint, cum voluntas testatoris ad illos non sit directa, nisi, mutato testamento per clausulam nostram in codicillum eos rogatos credamus a testatore de implenda testamenti dispositione (§. VI. *). Neque in eo assentiri possumus STRYCKIO, quod militi, aut parenti inter liberos testanti, imponatur necessitas adhibendi 5. testes aliasque sollemnitates codicilli, si in eius testamento clausula codicillaris efficax esse debet. ~~Etenim~~ qui testamentum absque testibus facere potest, idem etiam codicillos ****), et supra iam monuimus, quod, licet clausula codicillaris regulariter non suppleat defectum quinque testium, tamen tunc aliter res se habeat, si testator singulari gaudeat privilegio. vid. §. XXIII. *).

*) BEN. CARPZ. P. III. C. III. def. 22. n. 7. ANT. FABER

BER in C. lib. VI. tit. 5. def. 7. n. 4. IAC. ME-
NOCH. lib. III. praesunt. 31.

**) in diss. cit. n. 63. seqq.

**) IO. HENR. a BERGER l. c. not. 5.

***) L. VIII. C. qui test. fac. poss.

§. LIII.

Restat, ut tangamus quaestionem: utrum
clausula codicillaris testamento sine declaratio-
ne vera testatoris per notarium forsitan vel ali-
um, qui testamentum scripsit, adiecta, sit va-
lida? quam quaestionem affirmare non dubi-
tamus, quia praesumptus in adiectionem testa-
toris adest consensus, partim ob rationes (§.
XXXVI. XXXVII. XXXVIII.) expositas, par-
tim, quia quilibet in id consentire videtur,
quod sibi utile est. Imo in hoc nobiscum con-
sentiunt illi etiam, qui praesumi clausulam co-
dicillarem negant *), cum, quia Notarius a te-
statore rogatur, omnia ita conficere, ut de

K

iure

iure firmiter subsistant, tum, quia omne instrumentum praesumptionem veritatis et sollemnitatis pro se habet**), unde, quae testamento a Notario adiiciuntur, praesumuntur scripta de voluntate testatoris***).

*) V. g. SAM. STRYCK cit. diff. n. 68.

**) c. X. de priuil. 6.

***) BEN. CARPZ. lib. VI. resp. 7. n. 23.

§. LIII.

Non possumus autem plane omittere, quod clausula codicillaris saepe etiam pactis adiicitur, quod hunc habet effectum, vt, si pactum non quia pactum valere potest, subsistat vt fideicommissum, positis eius requisitis in pacto, in quibus potissimum est numerus testium debitus *). Sic v. g. donatio inter vivos, quae excedit quingentos solidos, non valet sine insinuatione iudiciali vt donatio. Quodsi vero addita ipsi sit clausula nostra, valebit vt fideicommissum, (modo quae ad hoc pertinent, sollemnia in donatione non sint omissa,) hoc modo vt heredes donantis de praestanda re donata deductis deducendis

dis rogati censeantur. Occurrit itaque quaestio vtrum etiam in pactis perinde ac in testamentis clausula nostra sit subintelligenda, an vero ob mutuum, quo pactum absoluitur, consensum contrarium sit dicendum. Huius quaestionis resolutionem alii referuamus tempori.

*) AVG. A LEYSER *med. ad ff. sp. CCCLXXVIII. med. 3. 4.*

§. LV.

Haec pro temporis angustia sufficiant, quae ad defendendam vltimarum voluntatum vim, ex tacita et praesumta clausula ~~codicillari oriundam~~, scripsimus. Iudicet Beneuolus Lector aequo animo de iisdem, cum non ex pruritu contradicendi sed ex aequitatis et iuris ciuilibus regulis profuerint. Et quanquam plurimorum sententia nobis sit contraria, quidam tamen nobiscum sentiunt *), et adhuc forsan vnus vel alter, qui rationes plus quam ICtorum auctoritatem curat, rationibus nostris commotus ad nos accedit. Certe cum ipsi a nobis dissentientes **) clausulam codicillarem, a notario testamento testatoris nomine adiectam, ex testatoris voluntate praesumta additam esse credant: inuiti simul concedunt, eam esse praesumendam. Quare enim testator eam velle censetur, si per notarium scribendum

curat, non vero si ipse scribit testamentum? Interim ob dissensum ICtorum, qui in quibusdam iudiciis praeualet, tutissimam esse fatemur, clausulam codicillarem expresse adicere. Non itaque scripsimus hunc in finem, ut quis praesumptione, quam stabilire conati sumus, fretus omittat istam clausulam in testamenti verbis, suadentes potius eandem exprimere, sed ut casu obueniens ei, qui in clausula codicillari praesidium collocat, eamque non expressam praesumi in testamento defendere debet, usum quendam praestare possit *libellus noster*. Hoc si obtinuerimus, operae nostrae pretium habebimus.

*) IO. A SANDE I. C. IVST. HENNING. BOEHMER *iur.*

Digestor. lib. XXVIII. tit. ult.

**) C. G. SAM. STRYCK. cit. l.

FINIS.



ACH 1468066